

BESTELAKO XEDAPENAK

OSASUN SAILA

1524

AGINDUA, 2015eko martxoaren 13koa, Osasuneko sailburuarena, Abadiñoko farmazia-eskualdean farmazia-bulego bat sortzeko prozedurari hasiera eman zaiola iragartzen duena.

Euskal Autonomia Erkidegoko Ordenazio Farmazeutikoari buruzko ekainaren 17ko 11/1994 Legearen 34.1 artikuluan ezartzen denez, farmazia-bulego berriak irekitzeko deialdia edo, hala bada, deialdi hori bidezko ez dela aditzera ematen duen iragarpena urte bakoitzeko lehen sei hilekoan egingo da, biztanleen udal-errola berrikustetik ateratako datuak ezagutu ondoren.

Bada, datu ofizial horien azterketatik ondorioztatzen da bidezkoa dela Abadiñoko farmazia-eskualdean farmazia-bulego berri bat irekitzea.

Horregatik guztiagatik, hauxe

EBAZTEN DUT:

1.– Abadiñoko farmazia-eskualdean farmazia-bulego berri bat irekitzeko deialdia egiten da, betiere Farmaziak sortu, lekuz aldatu, itxi eta jardunean jartzeko prozedurak arautzen dituen ekainaren 27ko 338/1995 Dekretuan xedatutakoarekin bat etorriz (otsailaren 3ko 24/2004 Dekretuaren bidez, aldatu zen dekretu hori).

2.– 11/1994 Legearen 13. artikuluan ezarritako irizpideei jarraituz, eta 2015eko biztanleria-datuekin bat etorriz, deialdi honetako farmazia-bulegoa Abadiñoko udalerrian kokatuko da.

3.– Deialdi honetako farmazia-bulegoaren titulartasuna lortzeko eskabideak aurkezteko epea hilabetekoa izango da, agindu hau Euskal Herriko Agintaritzaren Aldizkarian argitaratu eta biharamunetik hasita.

4.– Aipatu eskabideak ekainaren 27ko 338/1995 Dekretuaren 2. artikuluan aurreikusitako agiriekin batera aurkeztu beharko dira, 24/2004 Dekretuak emandako idazkeran.

5.– 4/1999 Legeak aldatutako Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 38.4 artikuluan ezarritakoez gainera, eskabideak honako helbide hauetan aurkeztu ahalko dira:

Osasun Saila.
Donostia kalea, 1
01010 Vitoria-Gasteiz

Arabako Lurralde Ordezkaritza
Olagibel kalea, 38
01004 Vitoria-Gasteiz

Gipuzkoako Lurralde Ordezkaritza
Antso Jakitunaren kalea, 35
20010 Donostia

2015eko apirilaren 7a, asteartea

Bizkaiko Lurralde Ordezkaritza
Recalde zumarkalea, 39
48008 Bilbao

Vitoria-Gasteiz, 2015eko martxoaren 13a.

Osasuneko sailburua,
JON DARPÓN SIERRA.